

吳興藝文補

吳興藝文補卷之五十二

目次

楊萬里

林景思寄贈五言以長句謝之

和周元吉左司東省培竹

贈倪正甫令子阿鼎

和沈子壽還朝天集之韻

謝湖州太守王誠之給事送百花春糟蟹

誠之名信

過雪川大溪

寄題周元吉湖北漕司志功堂

送姜夔堯章謁石湖先生

寄題王亞夫檢正不啻足齋

亞夫名回郡守

跋袁起巖所藏蘭亭帖

送俞漕子清太卿赴召

子清名濇見前

訓贈姜堯章

寄題周元吉左司山居三詠

寄謝蜀帥袁起巖尚書閣學寄贈藥物

和周元吉省中新竹

送周元吉顯謨左司將漕湖北

和周元吉左司夢歸之韻

和周元吉左司郊祀慶成韻

太湖秋晚

題沈子壽旁觀錄

省中直舍人敲新竹懷周元吉

潘檉

贈姜堯章

姜夔

太湖

答潘轉庵

范大參入覲頗愛鄙作以詩謝之

小孫納婦

呈方叔

夏日奉天台錄

冬夜不寐

閒詠

負暄

和陸放翁見寄

和陸放翁

寄汪尚書

送江東集歸誠齋

自題畫像

除夜自石湖歸苕溪三首

大雪過垂虹

牽牛花

早春

孟享恭謝駕回丞相以下皆簪花

蕭德藻

見前

次韻傅惟肖

岳珂

過啄木嶺暑暍憇道傍移時始行

嶺在長興

錢時

武康澄道寺前溪上觀魚

劉克莊

參預陳公挽詩二首

陳貴謫見前

又二首

代洪給事作

劉宰

章倉席上

章倉名燮

挽齊齋倪尚書

倪思號齊齋

送張晉望倅湖州

王炎

見前

通守趙侯改倅會稽以詩餞行

湖州所作

勸農道場山

苦脾泄在告因飲白酒一盃小愈魏倅有詩已而

病復作因次其韻見意

送魏倅

挽魏倅項敘授小飲

用前韻酬魏倅

夜聞雨再用前韻

魏倅同杜仲高游黃龍洞次韻

題白蘋亭

郡中游觀之地清風樓爲第一前此諸公有詩似
覺摹寫未盡輒成唐律一篇約魏倅同賦不拘
和韻可也

題姜堯章舊遊詩卷

和九日堯章送菊

招諸宰飯六客堂以小詩代簡

題歸雁亭

見前

題俞子清侍郎惠畫二絕

白玉蟾

歸雁亭二首

弁山佑聖宮

呈沈同知

岑碩

三德院

崔與之

送袁校書赴湖州別駕

劉瞳

武康人

禪師塔次韻

張祁

題舞翠亭

方岳

乙酉歲遊浙中道聞盜起雪川遂寓珠溪

陳振孫

見前

題張氏十詠圖

爲張維

葉顥

寓公元人悞置于此

靈源寺

牟子才

見前

陳君得南園賦贈

魏了翁

題沈氏書堂

寄李考功

道傳

餞章即中

樊

以浙東倉歸湖州

挽袁叅政

說友

三首

挽李即中

道傳

二首

李微之

心傳

聞其弟貫之

道傳

西歸以詩迓之劉

左史

光祖

和韻屬余同賦

劉光祖寓公

翁卷

送趙嗣勲簽書昭慶軍幕

廬琰

五山 在安吉

程公許 見前

步虛長句

魯士倬 烏程令

題東老庵

邵緝 丘吉吳興絕響編所載俱元人知此亦誤置

題長興吳城

吳潛 見前

汪郡丞築愛山臺賦贈 汪名泰亨臺在麗厠

四明士子

上吳履齋再入相

張元浩

和丁仲翔題公甫園池

家鉉翁

福田石佛

舒岳祥

國成德宰武康錢孟東野詩立其祠余家舊藏東

野像書來借臨其尚友與俗異矣予因讀昌黎

贈先生篇追和其韻併臨其像奉送之武康

趙與峕

見前

宿半塘寺

吳惟信

郡人寓嘉定

春詩

曲江留別

文及翁

見前

山中夜坐

次四仙韻

陳淳祖

郡守

勸農詩二首

宋伯仁

吳興人

歲旦

丁家村

雨中

春半

酒邊

久坐

嬾

書座右

書座右

寄海安趙路分

夜過烏鎮

初夏

寄舊友

別朱冷官

呈菊坡先生陳樞使

卓

賀游先生再入元樞

似

賀鳳山先生李文昌赴召

李性傳號鳳山寓公

賀鶴林吳尚書赴召除隆興

勸僧還鄉

農家

羊角堰晚行

無事

村學糾

村

聽雨

簡施芸隱

林景熙

舟次吳興二首

常楙

見前

集仙宮

孫嵩

春日武康游望過孟東野故居

謝翱

別子靜却送之雪

雪女吟

李彝

見前

早梅

吳興藝文補卷之五十二

烏程董斯張遐周彙編

閔元衢康侯叅輯

韓昌箕仲弓增定

林景思寄贈五言以長句謝之

楊萬里

華亭沈虞卿惠山尤延之每見無雜語只說林景思試
問景思有何好佳句驚人絕倒句句飛從月外來可
羞王公薦穹昊若人乘雲駕天風秋衣翦菊栽芙蓉暮
宿銀潢朝蓬宮我欲從之東海東西湖柳色二三月相
逢一笑冠纓絕醉招和靖叫東坡一吸西湖湖欲竭我

醉自眠君自顛路人往往指作僊此輩何曾識此樂識
與不識俱可伶別時花開今已落思君令人瘦如鶴夢
裏隨君携酒瓢同登天台度石橋瀑泉界天瀉雲壑長
松拔地攙煙霄與君聯句章未了帝城鐘動西峰曉海
風吹墮珊瑚枝乃是先生寄我詩火雲燒江江水沸君
詩清涼過於冰定知來自雪巢底恍然坐我天台寺

和周元吉左司東省培竹

楊萬里

鷄省有貞植驚行畫銷煩憎柳媚綠暗伴梅耿黃昏何
須雪買買始愛渠軒軒堅守孤竹國肯折先軫元如何

桃李時筍頭不出垣周郎夜入直挾策携酒尊爲渠問
玄夫乃遇震爲坤喜渠必蕃昌吟到落金盆曉喚郭橐
駝提耳細細言汲水龍井泓輦上天竺原妙偷造化窟
仁及氷霜根爲賦淇澳詩絕去筆墨痕何時淮陰市能
報漂母恩周郎顧之笑吾自哀龍孫

贈倪正甫令子阿麟

楊萬里

精神玉雪眼點漆總角兩髦錦纏碧郎君未出客已驚
隔牕讀書鸞鶴聲松烟兔穎小三昧蠅尾銀鈎畧無對
鍾王筆妙老始成阿麟今纔十二齡七十列傳十二紀

白頭書生不能記亂抽架上聊試渠橫讀倒讀如流水
二雅三雅已作箋要與毛鄭爭先鞭吟詩作賦更餘事
不論五言兼七字奉常先生有陰功翰苑仙人有家風
高科好官手可唾更看聲名塞天破老夫還曾浪語麼

和沈子壽還朝天集之韻

楊萬里

愁城不着狂詩客徑超天外華胥國苦海惟愁熱惱人
別有中水精浣花一老已九京何人再築五言城
竹齋衣鉢傳錦里咄咄雲煙飛落紙胷中磊塊有餘地
語下飄蕭無俗氣詩壇筆陣制中權勢如常山看率然

觀者堵牆顏色沮驚聞柘彈金盤句老夫性癖耽此趣
被渠夜半赤手取重陽過了元不知猶有黃花三兩枝
謝湖州太守王誠之給事送百花春糟蟹

楊萬里

烏衣巷裡批勅手整頓乾坤渠儘有天風吹入水精宮
一夜陽和漏花柳愛殺茗溪波底雲揉雪釀出蒲萄春
更接百花作香塵小槽濺破真珠痕一杯吸盡太湖月
那期忽念山中客遠澆白首草玄人伯雅仲雅俱清絕
一介不肯遣長鬚却遣郭索持尺書二執戈者爭足趨

登彼糟丘勸腹腴可憐郭索與陸誥不傍貴人熱門戶
却訪誠齋老病翁多謝苕溪賢地主

過雪川大溪

楊萬里

菰蒲際天青無邊只堪蓮蕩不堪田中有一溪元不遠
摺作三百六十灣政如綠錦地衣上玉龍盤屈於其間
前船未轉後船隔前灣望得到不得及至前灣到得時
只與後灣纔咫尺朝來已度數百桡問知德清猶半程
老夫乍喜權夫問管有到時君莫問

寄題周元吉湖北漕司志功堂

楊萬里

周郎昨贊元戎幕夜眺秦川登劍閣函關不用一九泥
談笑生風掃河洛君王尺一喚渠回貯之鳳閣與鸞臺
不贊元戎贊丞相筆補造化裨鹽梅龍媒志在橫八極
天閑玉韉羈不得又揮白羽岸綸巾却去武昌尋赤壁
一覽亭前山月明志功堂下大江橫前稱公瑾後元吉
君家世有千人英公瑾小喬在何許元吉小蠻花解語
看君一箭落胡星如臯一笑傾人城金印如斗帶萬釘
何人爲作燕然銘

送姜夔堯章謁石湖先生

楊萬里

釣鰲英氣黃白蜺歛唾珠玉皆新詩江山愁訴罵爲泣
鬼神露索天機洩彭蠡波心弄明月詩星入腸肺肝裂
吐作春風百種花吹散瀕湖數峯雪青鞋布襪軟紅塵
下詩只博一字貧吾友夷陵蕭太守逢人說君不離口
袖詩東來謁老夫慙無高價當璫璵翻然却買松江艇
徑去蘇州叅石湖

寄題王亞夫檢正不啻足齋

亞夫名回
知湖州

楊萬里

既得隴復望蜀未求寶劍先求玉秦相後車一千轂唐
相彬八百斛黃金肘印駕黃鵠身前佞佛身後福九漕

瀉入无底谷似人心猶易足九州四海土同年三江
五湖春水鮮便應犯斗入月邊餘事猶堪濟巨川天風
吹來墮人寰水精宮裏作詩仙寄牋排雲叫穹昊願錫
江湖散人號玉皇留渠作豐年早晚喚歸香案前詩仙
掉頭不肯住田園將蕪蕪歸去括蒼山勝道場山向來
結茅非霧閣齋房恰則斗來大去聲中藏世界三千箇門
前蠻觸戰方酣鼻息如雷政高臥

跋袁起巖所藏蘭亭帖

楊萬里

南朝千載有斯人拈出蘭亭花草青俛仰之間已陳跡

至今此紙尚如新

送俞漕子清太卿赴召

楊萬里

帝求耆舊憶吾公
紫詔斜行下碧穹
勵操蘭熏仍雪瑩
泮民冬日與春風
便登鳳閣鸞臺上
小試鸚鵡豹尾中
十載江湖訪民瘼
一時傾倒沃天聰

自笑孤蹤霜葉輕
宦游何幸並耆英
合符先後分江郡
接武差池綴月卿
愛我從來兩膠漆
與公別是一親情
老身無用難提挈
尚有兒曹累使令

進退格寄張功父姜元章

楊萬里

尤蕭范陸四詩翁此後誰當第一功
新拜南湖爲上將
更差白石作先鋒
可憐公等皆癡絕
不見詞人到老窮
謝遣管城儂已晚
酒泉端欲乞疏封

功父詩號南湖集
亮章號白石道人

寄題周元吉左司山居三詠

楊萬里

詩酒如今誰主盟
須還酣賦老先生
三杯兩醖鴛花底
一斗百篇談咲成
太白自繼新樂府
小蠻度入妙歌聲
生前身後名兼飲
二事何曾有重輕

酣賦亭

金印龍章屬市曹
清風明月屬漁樵
世皆蠻觸君知止
渠自王公我豈驕
真個歸田何必賦
自家甘隱不緣招

老夫三徑都荒了松菊雖存已半凋

可止亭

莫道尊鱸不近名儘談鵬鷃未忘情醉中賭得茗溪月
醒後還輸茂苑鷲豈但二豪俱不見向來三傑亦何成
有人來問適庵趣便是公榮也一觥

適庵

寄謝蜀帥表起巖尚書閣學寄贈藥物楊萬里

卧雪先生冰雪胷小迂星履領元戎草堂衣鉢風騷將
苑屋笙簫造化功杜宇催歸波正綠海棠不睡燭斜紅
遨頭未了詞頭下四世重新五六公

拋官歸隱七經年睡殺山雲咲殺天剩雨殘雲黃帽底

顯詩中酒白鷗前少年行蹤今已矣厚祿故人書寂然
只有錦城表閣學寄詩贈藥意悁悁

和周元吉省中新竹

楊萬里

青士何年下大荒羽儀禁省立如牆錦綳半脫娟娟玉
粉節新塗拂拂霜帶雨小酣三日後出林忽喜一梢長
今年秋閨防多暑剝供先生格外涼

送周元吉顯謨左司將漕湖北

楊萬里

君詩日日說歸休忽解西風一葉舟黃鶴樓前作重九
水精宮裏過中秋職親六閣仍金馬喜入千屯看木牛

繡斧光華誰不羨一賢去國欠人留

又見周郎携小喬武昌赤壁醉嬌嬈蜀江雪水來三峽
吳苑風煙訪六朝秋月春花出肝肺新詞麗曲入笙簫
歸來却待金鑾殿好看霜毛映珥貂

德比江湖漫浪翁相逢遽宿省西東兩窮握手論詩後
一笑投膠入漆中臨水登山公別我青鞋布襪我從公
貂裘已博江西艇只待黃花半席風

和周元吉左司夢歸之韻

楊萬里

半似清狂半白癡不須人笑我心知煙霞平日真成癖

山水中年却語誰錯計浪隨雲出岫感君能遣雨催詩
居然喚起還家夢橘刺藤梢隔槿籬

和周元吉左司郊祀慶成韻

楊萬里

八觚泰畤六郊天一柱明堂再饗光日月旂常寒映雪
晃旒球玉暖生煙風回韶濩龍鱗外花覆貔貅鳳闕前
喜溢天顏應未了又迎慶壽入新年

太湖秋晚

楊萬里

水氣清空日人家秋色中細看千萬落戶戶水晶宮

題沈子壽旁觀錄

楊萬里

逢着詩人沈竹齋
寧有口不須開
被渠譜入旁觀錄
四馬何如挽得回

省中直舍人敲新竹懷周元吉

楊萬里

老眼逢書怯細看
抄書一事更應難
昨携如意敲新籜
右臂朝來作許酸

尚有周郎手種痕
懷人將竹當人看
寄言黃鶴樓前客
今歲新添十五竿

老竹堅剛幼竹柔
此君年少也風流
錦衣脫體未全瘦
雪粉圓腰猶半愁

贈姜堯章

潘 僊

世間官職似樗蒲采到枯松亦大夫白石道人新拜號
斷無繳駁任稱呼

太湖

姜 夔
寓公

茫茫復茫茫中有山蒼蒼大哉夫差國坐占天一方夫
差醉蓮宮巨浪搖不醒越兵從何來奪我三萬頃年年
亭上秋一笛千古愁誰能知往事飛下雙白鷗

苔潘轉庵

姜 夔

南山僊人何所食夜夜山中煮白石世人喚作白石僊

一生費齒不費錢僊人食罷腹便便七十二峯生肺肝
真租只在南山南我欲從之不憚遠無方煮石何由軟
佳名錫我何敢辭但愁自此長苦饑囊中只有轉巷詩
便當掬水三嚥之

范大叅八覲頗愛鄙作以詩謝之

姜夔

問句石湖老如將日指標枯中說滋味高處戒虛驕頗
喜唐音近寧論漢道遙正聲今在耳萬樂聽簫韶

小孫納婦

姜夔

慶事集朋親孫枝喜氣新歌雲停碧落舞雪眩青春暖

日花君子清樽酒聖人一春行樂地不負牡丹辰

呈方叔

姜夔

聾牙落魄一閒官職事何嘗見一斑不是論松須說劍
若井尋壑卽觀山間看落葉隨風去冷笑奔雲送雨還
更有劉巖楊處士伴渠凝坐老花間

夏日奉天台祿

姜夔

青天揮箠臥藤牀翠袖携壺過酒漿蜩腹出波烹芡實
褰蹄和露擘蓮房相呼時入鷄豚社獨坐曾無雁鷺行
便是赤城真隱吏不須劉阮更相將

冬夜不寐

姜夔

宵柝迢迢警睡魔，靜思甘分老林坡。
忍饑但有嵇康懶，扣角曾無甯戚歌。
不起妄心思世事，只將閒意養天和。
時人休說長生術，學着長生事轉多。

閒詠

姜夔

虛糜廩祿飲醇醪，不押文書不坐曹。
簡點園花爲日課，裒尋詩草計年勞。
仍將書冊供慵臥，時喚杯盤佐老饕。
感激大恩何以報，惟祈聖壽與天高。

負暄

姜夔

不是羲和德澤流寒鄉何處覓溫柔絕憐天上黃綿襖
大勝人間紫綺裘旋挾胡牀隨影轉更携書卷與閒謀
天和竒處誰能會欲獻君王却自羞

和陸放翁見寄

姜夔

遙知三逕長荒苔解組東歸亦快哉津岸紛紛群吏去
船頭滾滾好山來平時佳客應相過勝日清樽想屢開
若許詩篇數還徃直須追挽古風回

和陸放翁

姜夔

午庭風雨撼高槐一洗城頭十丈埃老子坐間尋句好

故人門外寄詩來勁鋒久服穿楊妙鈍思深慚擊鉢催
清佩左符君未可要聽吟思發春雷

寄汪尚書

姜夔

五十年間歎濶疎相忘兩地復江湖書來筆底驚強健
詩去吟邊想步趨好對青山看歌舞莫嫌紅粉笑髭鬚
鳳毛已有哦松韻尚記金華舊範模

送江東集歸誠齋

姜夔

翰墨場中老斲輪直能一筆掃千軍年年花月無虛日
處處江山怕見君箭在的中非爾力風行水上自成文

先生只可三千首
回施江東日暮雲

自題畫像

姜夔

霍豔如烟羽扇風
賦情芳草綠陰中
黑頭辦了人間事
來看凌霜數點紅

除夜自石湖歸苕溪三首

姜夔

細雨穿沙雪半銷
吳宮烟冷水迢迢
梅花竹裏無人見
一夜吹香過石橋

笠澤茫茫雁影微
玉峯重疊護雲衣
長橋寂寞春寒夜
只有詩人一舸歸

素閒篝火卻宜蠶風土相傳我未諳但得明年少行役
只裁白紵作春衫

大雪過垂虹

姜夔

自琢新詞韻最嬌小紅低唱我吹簫曲終過盡松陵路
回首烟波十里橋

牽牛花

姜夔

青花綠葉上疎籬
娉娉長條竹尾垂
老覺淡粧差有味
滿身花露立多時

早春

姜夔

環玦隨波冷未銷
古苔留雪臥牆腰
誰家玉笛吹春怨
看見鶯黃柳上條

孟享恭謝駕回丞相以下皆簪花

姜夔

六軍文武浩如雲
花簇頭冠樣樣新
惟有至尊渾不帶
盡分春色賜群臣

萬數簪冠滿御街
聖人先自景靈回
不知後面花多少
但見紅雲冉冉來

次韻傳惟肖

蕭德藻

寓公

竹根蟋蟀太多事
喚得秋來籬落間
又過暑天如許久

未償詩債若爲顏
肝腸與世苦相反
巖壑喚人不早還
八月放舡飛棹去
蘆花叢外數青山

過啄木嶺暑暍憇道傍移時始行

岳珂

啄木侵雲起流金正日中
澗深猶斷港山崦畧無風
自是人來去何關暑蘊隆
羲皇正高臥多媿北窓翁
凭軾汗如雨低簷氣若炊
垂頭疑大病駐足便多時
與隸爭陰樾家人薦藥糜
吾生儻行道暑暍亦奚爲
鳥道度嶮絕禽名通古今
築亭聊駐馬息未成陰路
峻天應近崖幽霧更深
畏途猶避熱坐有躡雲心

武康澄道寺前溪上觀魚

錢時

山溪清徹底映日浮脩鱗人間湯鼎烹見此一掬春倚
杖爲欣然長淮浩無垠寄語溪上翁可以觀吾仁

參預陳公挽詩二首

劉克莊

人歎摘毫妙天知補袞忠力猶挽元氣身已御長風寥
譜侔洪氏官稱似范公獨憐尊卿莫不得至荅中
聖主初調瑟煩公數寄聲已來周大老尚致魯諸生未
至餘尊盡西歸隻履輕中年知已淚銷得幾回傾

又二首

代洪給事作

世道方憑藉云胡不憖遺重如鎮喬嶽寬可納須彌
閣開無日墓陵寔有期嗟余衰久矣告墓乏雄辭
不謂斯人天堂堂在目中曾叅黃面老肯戀黑頭公
性理天淵徹榮華露電空獨餘章奏在聖主記遺忠

章倉席上

劉 宰

官舍若幽居四圍山水綠中有超詣士簿書厭拘束
邂逅文字飲交契如金玉朱絃發清音紋楸理新局
一盃復一盃夜闌更秉燭木落天宇寬蟹肥酒初熟
相期壯觀游憑高重送目勿令兒曹知此味我所獨

挽齊齋倪尚書

劉宰

南山有孤松屹立幾尋丈雲根雨露滋藤蘿巧相傍高
柯撐青空落落不可上遼東白鶴歸城郭固無恙饑烏
拾餘粒巢燕倚飛幌芝田香何許鼓翮超蓬閭尚書千
載人餘子豈輩行方時鄙俗學制行多矯亢我獨道其
常曰彼非至當世事有翻覆陰陽日消長誰其倡攻僞
欲使盡一網我獨持其平要辯直與枉前瞻豈尚同後
顧亦非黨介然兩不合蘭佩拂千嶂惟皇思建極正直
首延訪幾趨鑿禁直屢侍金華講三黜柳士師一念齊

得喪歲晚復來歸舊德世所仰文昌豈不貴台星連兩
掌貞元朝士少正始遺風蕩淹留感時事去去得初尚
湖光浮醖葦巖花開步障意行無物累靜寄絕塵想寥
寥香山翁勝處畧相倣雖臨大化盡不改葵藿向遺奏
手自書治忽猶指掌內欲八柄專外欲四聰廣國本欲
先定以繫四海望國勢欲自強不受夷虜誑于今一開
卷星斗照穹壤奄奄氣將微耿耿神愈王更爲一夕留
泰然須昧爽庶幾華封祝不使臣子曠從容有如此此
豈智力強平生剛大氣宵次妙冲養我生不及門知敬

如達巷九京不可作千古恨悵悵

送張晉望倅湖州

劉宰

風月平分古治中挂帆直指水晶宮
祗今第宅多親貴自昔閭閻有阨窮
勿用彌縫垂直道毋煩歌舞競新功
舉頭見日長安近詔入元非藉子公

通守趙侯改倅會稽以詩餞行

湖州所作

王炎

我來席未溫君去袂難摻所喜相知新
所恨相見晚更能極縝密風度乃蕭散
同僚有斯人可近不可遠漕渠新漲生
輦路春風滿置之緹屏中驥足終未展
夫豈無

裏言相與共推挽語別一盃酒何時對青眼願保千金
軀努力加食飯

勸農道場山

王炎

練日遵詔條行春勸耕事擁旆有傳呼據鞍小馳騫兒
童競聚觀父老謹來詣松徑度坡陀蓮宮得清闕此行
非遨遊所職在撫字示之淺易語諭以叮嚀意扶杖旣
言歸解衣聊少憩山中無俗情物外有幽趣僧閑衆所
羨農困吾甚媿不敢飽登臨肩輿下山去

苦脾泄在告因飲白酒一盃小愈魏倅有詩已而

病復作因次其韻見意

王炎

羸老畏風濕河魚將奈何玉友豈不佳終難護天和數
息漫吐納練形空按摩自笑來日短殘漏鳴銅珂吏事
如衣垢濯之費接竿養痾諒非宜山林歸興多

送魏倅

王炎

俗士不聞道利欲熏其心陽浮外醇酢中有機阱深宛
陵有君子殊不同今人皎皎鵲鷺姿入俗不受塵挹之
淡如水卽之暖如春筆端奏金石妙處無新陳念我久
頓挫歲晚乘朱輪烹鮮易以擾御黠難使馴賴有賢二

車一心同撫循遂於吏事外拂拭綠綺琴爲我青屬耳
領會山水音恃此定交契愈久情愈親東風二月初梅
花照溪津語別一盃酒莫辭十分斟聚散亦常事豈必
含酸辛重念髮種種不禁憂患侵君今入魏闕我亦返
山林行藏異途轍何日再盍簪所蘊勿卷懷朝廷須世
臣

挽魏倅項教授小飲

王炎

蒲葉青青初出水布穀聲中耕事起去年蝗旱傷農收
今年日望歲豐美聞道郊原麥浪平但慮飛蝗遺孽耳

甚欲往來阡陌間稍與田家共憂喜老大心情畏忌多
攪轡未行還自止假日公庭吏牘稀祗可清談共揮麈
小園春色亦自都醉日杏桃嬌欲語舉杯相屬謝東風
莫待枝頭落紅雨

用前韻酬魏倅

王炎

手把一麾來霽水身似癡人方暫起此情本爲貧所驅
非戀吳中風土美浩蕩煙波隔白鷗閒關道路勞黃耳
幸而別駕有詩流相逢眉睫津津喜我今白首君黑頭
莫訝鐘鳴不知止每因揖客愁下榻豈暇談玄相捉麈

忙裏偷閑花下飲更約廣文同笑語把酒消憂憂更來
兒說東臯今渴雨

夜聞雨再用前韻

王炎

轆轤百尺汲無水映日四山雲不起朱轡浪說勸農桑
衣食何從可甘美禱而得雨不苦旱竊疑此殆偶然耳
夜半潏潏簷溜鳴孤枕夢魂心失喜兒童挽犢婦餉盂
撥糲耕夫亦勤止鼠跡印我榻上書蛛絲罥我壁間塵
抖擻胸中三斗塵強欲哦吟無好語請公酌酒更揮毫
快寫珠璣歌喜雨

魏倅同杜仲高游黃龍洞次韻

王炎

風流別駕臨苕溪行厨攜客尋幽奇五湖浩蕩三江永
綠淨不知凡幾頃憑高縱望心目開便可一傾三百五
疑與塵寰不同宇彈壓風光須妙語只恐揮毫驚蜚龍
金相玉質音玲瓏

題白蘋亭

王炎

得句柳刺史築亭顏魯公二賢雖異代千古有遺風苕
水永不盡蘋洲今半空老懷多感慨訪古意無窮

郡中游觀之地清風樓爲第一前此諸公有詩似

覺摹寫未盡輒成唐律一篇約魏倅同賦不拘
和韻可也

王炎

山屏四面碧相重
蒼雪無聲瀉玉虹
萬戶連甍皆在下
一樓飛棟獨當中
不容半點浮塵到
但覺無邊爽氣通
安得翛然辭物役
披襟終日挹清風

題姜堯章舊遊詩卷

王炎

出郭栽花涉小園
歸調琴譜輯詩編
少年豪健今拏歛
休羨騎鯨李謫仙

和九日堯章送菊

王炎

對花懶舉玉東西孤負金錢滿綠枝短髮不堪重落帽
枯腸何可強搜詩

花品若將人品較此花風味似吾儒秋英食罷含情思
曾有離騷續筆無

招諸竿飯六客堂以小詩代簡

王炎

雙袖口沾朱墨塵風流那復似前人梅花香裏傾盃酒
畧與鳬仙一探春

題歸雁亭

王炎

江湖水泮草生時鴻雁南來又北歸莫漫說歸歸不早

青雲高處有危機

題俞子清侍郎惠畫二絕

王炎

筆端元有畫中詩寫出三涪一段奇追憶舊遊如昨日
艤舟細看中興碑

一去星沙二十年夢魂時到橘洲邊從今不起征南念
移得湘山在日前

歸雁亭二首

白玉蟾

嗟予尚未髮星星今日杯茶歸雁亭幾見霜翎巢白草
數行雲足篆青真方將寄字來荅雲莫便翻身過洞庭

握斗亭前話今古仇池仙墨有餘清

坡仙曾此縷歸程歸雁因而扁此亭草勁風剛苔水綠
水枯雪老弁山青霜翎去去賓沙漠雲足翩翩影洞庭
渠亦偶來還自去弋人何用慕冥冥

弁山佑聖宮

白玉蟾

雲屏烟嶂玉玲瓏中有幽人處玉宮曉檻猿啼松籟雨
夜窓窈窕竹梳風天垂十二欄干角月滿三千世界中
此景此時誰得似黃庭誦罷理絲桐

呈沈同知

白玉蟾

三面俱江一面湖古今盡作水晶圖門臨車馬紅塵道
身在冰霜碧玉壺何道兩山俱翠紫霄若二水合清污
岸頭笑與黃冠語爲問東林沈在乎

三德院

岑碩

齊朝立蘭若曾廢會昌初佛法戒不得僧徒還此居無
碑傳古昔有樹老扶疎門外滌塵水寒光浸太虛

送表校書赴湖州別駕

秘書監

崔與之

奎壁光芒久聚東秦篇入獻大明宮胷中抱負經綸業
筆下鋪張造化功四海高名如日揭一襟和氣與春融

誰知正大傳家學惟有擎拳體國忠
華踐峻登群玉表
清脩屹立急流中
校讐正對青藜月
關陝俄分畫戟風
自喜合簪方袞袞
不堪分袂大怱怱
送君悵望雲帆別
顧我凋殘雪鬢蓬
戢羽孤棲憐病鶴
脫身高舉羨冥鴻
星疆已應魁三象
天路須知尺五通
水臘前新蟻綠
橘洲霜後巨螯紅
清談岸幘聊遊戲
獻納歸班萬口同

禪師塔次韻

劉 瞻

皓月孤懸處知師幾駐筇
鐵鞋雖踏破隻履竟無從
傳法燈燈火聞經處處龍
可憐狂醉客夜坐謾槌鐘

題舞翠亭

張祁

浩蕩秋光裏扁舟過德清樓臺占山影鵝鴨亂溪聲小
飲經年別高歌一邑驚娟娟照人月還憶謝宣城

乙酉歲遊浙中道聞盜起霄川遂寓珠溪

方岳

未到山陰興已闌相傳道路正間關故人坐隔月千里
老宿肯分雲半間有客誰家無白酒能詩何處不青山
一聲啼鳥長廊靜花落花開春自閑

題張氏十詠圖

陳振孫

平生聞說張三影十詠誰知有乃翁逢世昇平百年久
與齡耆艾一家同名賢敘述文章好勝事流傳繪素工
遐想盛時生恨晚恍如身在畫圖中

靈源寺

葉顯

散花丈室靜聞香小小雲龕穩稱床須信定中還有定
莫言方外更無方青蓮滿眼非真色白月流金只慧光
今日相逢陪軟語塵緣俗慮一時忘

陳君得南園賦贈

牟子才

買家喜傍水晶宮正在南園故址中我欲築臺名六老

追還慶曆太平風

題沈氏書堂

魏了翁

吳興沈聲甫示我書堂圖枕松被脩竹帶江衿浮屠堂
上新牙籤吞天祿石渠出受山水謁入與聖賢俱兒輩
紛華悅子獨文字娛是心儻無斃已足光苗裔吾聞學
者事窮理以返初爲人祇禽犢鑽紙成蠹魚勉哉師友
功千載沈氏書

寄李考功

道傳

魏了翁

虛靈天地心疊疊萬化機幾形有動靜誠盡無顯微人

惟不自信稷顏有相違居人憚寒暑遊子行不歸誰知
炯然存彼物乃吾知高人真畏友聖賢吾師師

餞章郎中燮以浙東倉歸湖州

魏了翁

武陵城中春事濃
練花欲開未開風
常平使者謝朝列
袖有英蕩吾將東
披孔翠裘上馬去
錦韉煜燭三花驄
先携令名作卿繡
却把仁念爲谷紅
世人機淺嗜欲深
便從扶木窮高春
朝余蒼梧夕縣圃
何似緩轡搖龍龍
曩余除官本同署
至自萬里驚燕鴻
諸公祖筵亂平湖
復我不往心忡忡
君今姑爲粵人行
明年歸朝儻及同

挽表叅政說友三首

魏了翁

奕奕萬夫望才名四十霜
重來陪講幄三入位文昌
地闢南廳峻塹重首折行脩
途日未旰昃節復相羊
耆舊晨星似公胡不憇留
竟成青塢去莫返赤松遊
時事方歆枕天年不到頭
獨餘經在笥衮衮什公侯

生世恨不蚤庚申始識公
象衣垂綵繚長珮奏聰龍
幸甚蠅依驥居然燕背鴻
靈輶送無路淚灑雪溪風

挽李郎中道傳二首

魏了翁

太息金泉守西歸空好音
孳孳求友意思懇懇愛君心
謀

道身多阨憂時力不任懷人今永已爲世一霑襟

解道公行止江東老父兄群州垂瘵死膚使爲更生民
裕身逾瘡時危命亦輕尋陽江上月猶傍諫書明

李微之

心傳

聞其弟貫之

道傳

西歸以詩迓之劉

左史

光祖

和韻屬余同賦

魏了翁

室中萬象鎮寬閑舒卷風烟入鳳山俯聽候蟲坏戶去
仰看倦雁絕雲還

只期玉女是用諫肯爲金夫不有躬想見江南兩膚使
天涯顚顚鬢成翁

行李營營遍八荒
趨車炙騎趁春忙
茫然獨笑無人管
寒蕙牆東蜀海棠

公卿奏疏謾琅琅
誰办樓蘭檻鬼章
巢燕豫憂江上北
暮鳥未到峴之陽

滔滔斯世我誰歸
置散投閑分亦宜
乾鵲頗驚仁鳥害
堅冰已向履霜知

曩與劉公同一邦
如今背我去堂堂
京師尊貴在朝者
爲問誰能踰阿章

送趙嗣勲簽書昭慶軍幕

翁卷

當時一萬言親擢自臨軒况有從前例難辭不次恩下
峯雲帶寺震澤水浮村多少聞名者爭來識狀元

五山

盧瑛

冬杪因來訪梵宮仰觀如畫聳烟濃雖多華岳兩條翠
未及巫山一半峯積石累同羣后玉成林擬列大夫松
最高道是昇仙處更有何人繼此蹤

步虛長句

程公許

玄蓋之天高舉律自兩天跟支一脈嶙峋四面森翠壁
中有瑤柱倚天立窈窕鬱鬱僊者宅涵雲蓄霧九鎖隔

石屏誰遣王笄肇通行豈虞虎豹搤雲臺散吏青城客
掉頭三島風烟窄南薰駕我來散策晴天萬里展笑色
祖龍驅山辟易僊人砥柱如刻畫武皇情念膏火迫
宮壇經營竟奚益惟我章聖薦簡壁心與天同綿寶曆
高皇中天定都邑脫屣大位駐清蹕至今僊館闕奎畫
跪拜諦視涕沾臆太滌樓真轉石室幽巖邃寶杳莫測
似聞句曲通只尺飈游何曾有轍迹天壇可望不可陟
翠箬閃閃丹氣溢我名何自標洞額得非三生托其籍
一念之差甘墮謫拊心靜慮深咎責羽衣窺我慄不懌

爲我洗殘酌琥珀沉沉古井龍嗜蟄誰令怒吼捲飛鳥
夜涼醉倒風雨急醒悟乃是巖溜滴西瞻氣稜堯侶塞
玉華故樓歸未得文舉遠遊記夙昔借一庵地紬隱帙
百六行度運會厄別真校錄曉繼夕惘惘含生沛德澤
罷征寬歛戢鋒鏑名山是處可棲逸不材我自愧社櫟
勛業振古名揭日邂逅要知非爾力蠻觸擾擾塵得失
豈容汨我室虛白流鈴擲火九穹碧泰初爲隣壽無極

題東老庵

曾士倬

渺渺仙蹤何處尋謾移鳬舄到東林金丹玉汞非吾好

只學先生救世心

題長興吳城

邵緝

高臺無地曲池平
漂泊勾吳宿古城
一岸濕雲沉夜色
四山涼葉下秋聲

汪郡丞築愛山臺賦贈

吳潛

直殿風流間世才
乞恩監郡築高臺
杖遊便覺開懷抱
石甃何須辟草萊
奎壁九重文運煥
烟巒千里畫圖開
愛山必欲斯民愛
霈澤行看早晚來

上吳履齋再入相

四明士子

山中夜坐

文及翁

悠悠天地間草木獻奇怪投老一蒲團
山中大自在

次回仙韻

文及翁

開山鑿石天無際釣水耕雲地有餘
金鼎莫傳添汞法墨池且問太玄書

形棲枯槁元寂寞跡寄榴皮特之餘
欲喚回仙談往事直須瘦相認天書

勸農詩二首

陳淳祖

勸農事云畢晴山足登山山高翠微上坐見人境閑
天

自有脩眉洞庭無狂瀾田疇井畫見布穀行相關村村
自花柳流水春風顏周行撫泉石碧匣開潺湲尚想讀
書聲猶在松樹間此事已難會沂風何時還朗吟蘇仙
語明月下前灣

迺一秋一冬愁聽鴻飛鳴及茲問春半土煖已足耕殷
勤勸父老尊酒若爲情我有一瓣香爲爾祈西成晴光
動川原桑麥日敷榮天公幸見聽一飽須可營幾見墮
畝事得此白髮生田父飲我酒歸與兒孫評孝弟力田
者家道終和平

歲旦

宋伯仁

屋閑無賀客早起只如常
桃板隨人換梅花隔歲香
春風回笑語雲氣卜豐穰
栢酒何勞勸心平壽自長

丁家村

宋伯仁

不滿十來家門閭半以柴
日烘蘭入鼻風掠草侵鞋
土酒融春興行歌放客褰
何須高買屋一一近天街

雨中

宋伯仁

終日翻盆雨池亭晚更涼
對琴思古意醺酒惜韶光
緣漲便鷗嬾殘花笑蝶忙
高田皆可插好意報君王

春半

宋伯仁

春到已多時
遊人替衲衣
柳眠鶯喚醒
花瘦雨添肥
官事癡能了
人情又易非
一貧能自守
靡得掩柴扉

酒邊

宋伯仁

一醉復一醉
陶陶醉未休
何傷於日月
知我者春秋
萬事難追昔
千金百解愁
白鷗飛浩蕩
此興屬漁舟

久坐

宋伯仁

坐久如忘世
松窓日未斜
管巢鷓鴣
蹊樹作夢蝶
眠花易課推三畫
盤方錄數家
瓶笙聲未絕
更點土山茶

嬾

宋伯仁

嬾嬾嬾復嬾而今嬾更宜此身聊復爾萬事欲何之尚
覺瓢爲贅奚煩鋪自隨客來眠正熟裙幅任題詩

書座右

朱伯仁

天地一蘧廬吾身自卷舒翁能從失馬子亦豈知魚謹
獨甘居漏安貧且飯疏昨非今未是寧不賦歸歟

書座右

朱伯仁

蠻觸小功名須教一念輕受知思報飯臨事貴懲羹壽
域惟仁宅心田以道耕泰然忘物我無使狎鷗驚

寄海安趙路分

宋伯仁

雨濕中秋節重陽始得晴菊花榮辱重萍梗去留輕詩
卷抄無盡鄉書寫未成鱸魚如釣得分我一杯羹

夜過烏鎮

宋伯仁

望極模糊古樹林灣灣溪港似難尋荻蘆花重霜初下
桑柘陰移月未沉恨別情懷雖戀酒送衣時節怕聞砧
夜行船上山歌意說盡還家一片心

初夏

宋伯仁

杜宇枝頭雨未乾曉來猶覺夜來寒花如舊日全然少

梅亦何心只爾酸世事淺深連酌酒春光行止一憑闌
流鶯默默渾無語只把遊人冷眼看

寄舊友

朱伯仁

微官寧得似窮儒俛首逢迎氣不舒便是伐薪能煮海
何如燒葉自觀書半篷寒雨茗溪酒一綠西風震澤魚
但得此身無繫束江南有地著頑疎

別朱冷官

朱伯仁

客中奔走易蹉跎學館癡留月又過橙蟹醉斟知已重
尊鱸鄉話益人多吳陵今夜三更月雪水明朝一棹歌

船在白蘋亭下過有無傳語曬漁簑

呈菊坡先生陳樞使

阜

朱伯仁

但知猿鶴伴閑居不覺憂時鬢已疎
對客怕言今日事挑燈重讀少年書
樓迎山色詩堪畫門對梅花月共鉤
相業累興朋主意先生只恐自躊躇

賀游先生再入元樞

朱伯仁

粵從寶紹曆嘉淳國事如碁局幾新
欲識萬年占氣脉須教一着頓精神
重臣休憚頭盈雪赤子咸期屋自春
天下倚公心更切泰山宗社在垂紳

賀鳳山先生李文昌赴召

宋伯仁

國老如公僅幾人豈宜長嘯太湖濱
疇咨宰相調元化詔趣尚書侍紫宸
欲振國威千載立當從局面一番新
先生莫作前時看多少枯根望早春

賀鶴林吳尚書赴召除隆興

宋伯仁

鸞翔芝檢下溪堂醉夢驚回午正涼
寵報帝俞催宰相且將州紱召文昌
蘋花襟袖宮花近詩草簾櫳諫草香
大化一新多吉士卷阿歷歷告成王

勸僧還鄉

宋伯仁

世事無過爾爾禪心只好休休江上數峯如削西風不礙歸舟

農家

宋伯仁

茅屋三間槿作籬白頭婆子葺冬衣兒童飽飯黃昏後短笛橫吹喚不歸

羊角埂晚行

宋伯仁

葛裙蒲履帽烏紗迤邐乘涼到水涯數寺晚聲鐘未歇滿身明月看荷花

無事

宋伯仁

日日溪頭看好山
塵囂無一可相關
梅花未必能如我
花謝花開未得閑

村學糾

宋伯仁

八九頑重一草蘆
土朱勤點七言書
晚聽學長吹樵笛
國子先生始不如

村

宋伯仁

又是江南割稻天
家家兒女笑相牽
芙蓉占斷清溪水
獨許漁人醉艤船

聽雨

宋伯仁

東雨瀟瀟未肯晴，洒窓聲似煮茶聲。
山童酤得隣家酒，炒栗爐頭獨自傾。

簡施芸隱

宋伯仁

雪後東風作峭寒，客懷零亂客眉攢。
杭州雖近西湖月，寧似湖州把釣竿。

舟次吳興二首

林景熙

釣舟遠隔菰蒲雨，酒幔輕飄菡萏風。
彷彿層城鰲背上，萬家簾幙水精宮。

蒼烟淡澹水濛濛，漁笛吹殘夕照紅。
六客風流今已遠。

堂名空入酒名中

集僊宮

在嘉定縣宋嘉定十七年高道葉子琬以湖州安吉縣勅額爲名

常櫺

松菊秋來入夢頻
公餘乘興得尋真
紅塵物外長清境
白日壺中不老春
柏子灰寒烟寂寂
桃花風暖水粼粼
逍遙羽士閒如許
媿我浮名役此身

春日武康游望過孟東野故居

孫嵩

殘靄初收半在沙
一川芳草趣溪斜
群峯古意汪芒國
廢地詩情貞曜家
天永淒迷浮野色
柳邊駘蕩受春華

更携尊酒看脩竹不爲前坡得意花

別子靜却送之雪

謝翱

獨往知吾事語離何所求故家無別業殘夢下扁舟
積葉吳宮冷吟猿顧渚秋那能不相待羈旅負清遊

雪女吟

謝翱

罨盡溪頭歛翠眉綠楊扶起又低垂春風盡與花爲主
不解庭前百結枝

早梅

李龔

草木盡凋殘孤標獨耐寒瘦成唐杜甫高抵漢袁安雪

裏開春國花中立將壇年年笑紅紫
翻作背時看